



Tsakani le dipopi tša kota

Hlongwani Hlongwani

Tebogo Matshana



Tsakani le dipopi tša kota

Connie Makgabo

Tebogo Matshana



Kgalekgale, motseng wa dithabeng wa Mbhokota, go be go dula mosetsanyana wa go bitšwa Tsakani.

Tsakani o be a se na bagwera, ebile a lewa ke bodutu.

O be a nyaka motho yo a ka bopago le yena dibapadišwa, dipitšha, dikomiki le dikgomo tšha letsopa. Go be go se na yoo a ka ralokago le yena.



Koko o lemogile seo gomme a nagana: "Tsakani o raloka ka maswikana ka mehla. Taba ye ga se ya loka. Ke tla loga leano."

Koko o kgona go betla kota. O kgona go betla ditlou tše dikgolo le batho ba go tuma.

O betla dilo ka moka tšeo a di gopolago.



Koko o be a le gare a betla popi mola Tsakani a raloka ka maswikana.

Popi e be e kgona go dula le go sepela, efela ge e le hleng ga Tsakani.

“Koko, o na le bokgoni kudu,” Tsakani a bolela ka lethabo ge a bona popi.



Koko o ile a tlogela Tsakani le popi ya kota ge a eya leeto.

Tsakani o be a thabišitšwe ke go raloka ka popi. E se kgale, ya se sa mo kgahla.

Popi e be e kgona go dula le go sepela, efela e sa bolele. Go be go se na yo a ka bolelago le yena.



Koko a betla popi ye nngwe ya go kgona go dula, go sepela le go bolela.

Tsakani o be a thabile kudu, a ba a bina. "Koko, o na le bokgoni kudu ebile ke thabile go feta." A realo Tsakani.

Ba raloka mmogo go fihlela letšatši le dikela.



Popi ya kota e be e sa kgone go bina, mola Tsakani a rata go bina.

O be a rata go bina ka lethabo, mmino wa xibelani.

O be a nyaka gore yena le popi ya gagwe ba hwidinyegele ka mo le ka mola. Go be go se na yo a ka binago le yena.



Koko o be a kgona go dira dilo ka moka, ka letsopa le ka kota.

O betlile popi ye nngwe ye botsana, a e apeša dipheta le maseka, gammogo le xibelani.

Popi ya kota ya mebalabala e be e kgona go sepela, go dula, go bolela le go bina.



Tsakani le popi ya gagwe ba theeletša mmino, ba ba ba bina mmogo.

Go tloga lona letšatšing leo, ge Tsakani a se sekolong, o be a raloka le dipopi tša gagwe tša dikota tšeo Kokwani a mmetletšego tšona.

Tsakani o be a se sa lewa ke bodutu bjale.



Koko o rile go lemoga ka mo Tsakani a thabilego ka gona, a betlela bana ka moka ba mo motseng dipopi tša kota.

A ba a dira dibetlwa tše dintši tša go kgabiša ka kota.

Lefase ka moka le ile la bona mošomo wo mobotse wa matsogo a Kokwani.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



Room to Read®
World Change Starts with Educated Children®


Your attribution should include the following:

Title: Tsakani le dipopi tša kota
Author/s: Hlongwani Hlongwani
Translator/s: Connie Makgabo
Illustrator/s: Tebogo Matshana
Assurer/s: Dikeledi Queen Shai
Language: Sepedi



© Zenex Foundation - Saide 2023

CC BY includes the following elements:

BY  - Credit must be given to the creator

